


重刊外科

二

第二十一形圖




此圖有二症懸癰腎陰發乃腎受寒濕久成鬱熱邪
氣凝滯於經絡氣血阻礙宜服托裡散若陰囊腫
硬痛者雖屬膀胱經受病大同治法亦同但加專
前子木通淡竹葉牽牛何首烏

此發背脊上長者黃瓜毒圓者甜瓜毒長尺二三寸
皮不紅高突起二寸極痛上頭大者爲逆下頭大
者爲順急用千金化毒湯以散熱毒不使成膿又
用鐵箍散以雞子青蜜廣膠同和貼之留口出毒

第二十二形圖


搭疽



左右腕腿雙搭

此圖有三症上兩搭下雙搭肫腿兩搭疽上搭病原
治淋列於二十四形圖內下雙搭若羣生下些即
腎俞雙發因酒色肆慾受濕鬱久熱生陽發在外
可治如發寒熱爲陰發陰發平潤傷腎膜膿清滯
者爲血氣虛難治宜服追疔奪命湯柴胡獨活湯
左右肫腿雙搭初發可用燈火打破卽服追疔奪命
湯次服千金托裏散

第二十三形圖




左上串即名脾癰

此圖左上搭亦名上串若生偏於右脇之間卽名脾
瘕脾胃不和氣血凝滯故發肩背脊間能動之處
可治連肩骨串右者難治老弱者十不治一急用
千金化毒湯消腫托裏散後用清心流氣飲外敷
鐵箍散解毒生肌定痛散瘡頭上用紅子膏收其
膿血熱天用蔥椒湯日洗二三次再用鷄黃皮及
絮焙乾爲末濕則摻之乾則以麻油調和塗之

第二十四形圖

右上搭



立者大同

此圖右上搭亦名上串連肩骨串左者難治治法與
左者大同

附搭背一切惡瘡危篤者用鮮桑葉連枝薰炷將
人置板上板穿一孔露瘡在外薰片時卽化水而
愈

第二十五形圖

兩搭肩


左右脇疽



家安堂

此圖有二症上名兩搭肩下名左右脇疽蓋因胃虛
氣虛而成切忌補陽助熱之藥蓋虛而得熱藥恐
虛熱愈盛傷其脾膜急用追疔奪命湯後用化毒
活血湯外敷鐵筆散頂敷生肌定痛散日用七寶
湯煎洗二三次

第二十六形圖



肩癭塔肩

穿脇疽

此圖有三症上名肩癰搭肩病原治法列於二十五
形圖內下名穿脇疽蓋風毒入骨日久但覺皮膚
麻木骨痛發於腰脇間急用化毒消腫托裡散外
用鐵箍散次用千金托裏散頂上敷生肌定痛散
膿多可用收膿消毒膏遲則不救

第二十七形圖



此圖對口疽又名頭後蜂窠發流串肩者名上搭肩
流串背者名偏背搭難治上搭肩病原治法列於
二十三形圖內偏背搭病原治法列於第一形圖
內此對口疽發於腦後焮赤腫起急用鐵箍散使
根不沿開服追疔奪命湯一二貼消腫化毒湯活
血化毒湯二三貼

第二十八形圖

佛腦疽



此圖佛腦疽生頂門上又名魚眼疔外敷鐵箍散內服追疔奪命湯二三貼出汗爲度無汗可用保生錠再用飛龍奪命丹若毒攻心肺三日必死